



EQQISSISARFIMMUT "ALLU"-MUT INISSIINIARTARNISSAMUT  
AKILIUTEQARTITSISARNISSAMULLU KAAJALLAASITAQ.

§ 1.

Inersimasunut paaqqinniffiit immikkut siunertallit  
pillugit Inatsisartut peqqussutaat nr. 6 28. april  
1988-imeersoq naapertorlugu Kalaallit Nunaanni kom-  
munit eqqissisarfirmik "Allu"-mik Alluitsumiittumik  
atuinerat pillugu malittarisassat makku aalajanger-  
sarneqarput.

§ 2.

Eqqissisarfik "Allu" paaqqinniffiuvoq imminut pigi-  
soq, nunatsinni ilagiit Danmarkimilu KFUK-p isumagin-  
ninnikkut suliniaqatigiiffiata suleqatigiinnerisigut  
pilersinneqartoq. Ileqqoreqqusaq tunngavigalugu siu-  
lersuisunnngortitaninngaanniit suliffeqarfik siuler-  
sorneqassaaq.

Imm. 2. Suliffeqarfik Nanortallip kommuniani nuna-  
qarfimmi inuerussimasumi Alluitsumiippoq.

SULIFFEQARFIUP SIUNERTAA  
NEQEROORUTAALU.

§ 3.

"Allu"-p siunertaraa - soorlu ileqqoreqqusani allas-

simasoq - ilaqtariit kisermaalluunniit ajornartor-  
siuteqalersimasut neqeroorfigissallugit eqqissisima-  
sumik toqqissisimasumillu avatangiiseqarlutik najuga-  
qarallartarnissaat inuiaqatigiinni ingerlalluaqqiler-  
nissaat anguniarlugu.

## § 4.

Najugaqartut nalinginnaasumik illumi inuuniarneq eq-  
qiaanerlu nammineq isumagalugillu peqataaffigissa-  
vaat. Najukkami sammisassanik assigiinngitsunik i-  
ngerlatsinissamat periarfissaqarpoq kiisalu atuar-  
titsinissaq neqeroorutigineqarluni.

Imm. 2. Najugaqartut illumi mikinerusumi nammineq  
najugaqarsinnaapput illumilluunniit allanik inoqa-  
reersumi ineeraqarsinnaallutik.

## § 5.

Najugaqarnerup sivisussusia killeqarpoq pisariaqar-  
titsinerlu sinnernagu sivisussuseqartussaalluni -  
nalinginnaasumik qaammatit pingasut sisamalluunniit.  
Taamaattumik oqartussaaffeqarfiit inissiisimasut  
"Allut"-mi sulisut suleqatigalugit inissinneqarsima-  
sut angerlarteqqinniarnissaat sukkulluunniit isumagi-  
niassavaat.

## INISSIISARNEQ.

## § 6.

"ALLU"-p pisortaata "Allu"-mi sulisut peqatigalugit

inissiinissaq angerlartitsinissarlu aalajangiiffigi-  
sussaavaat. Naammagittaalliuutaasinnaasut siulersui-  
sunut saqqummiunneqarsinnaapput.

## § 7.

Isumaginninnermi ataatsimiititaq nammineeirluni ima-  
luunniit allanit saaffigineqarluni, soorlu pinerluu-  
teqarsimasunik isumaginnittunit nakorsa qarfimmil-  
luunniit, kisermaamik ilaqtariinnulluunniit "Allu"-  
mut inissiiniaruni, toqqaannartumik pisortaq saaf-  
figissavaa.

Najugaq **unaavoq**: Eqqissisarfik "Allu", Alluitsoq,  
3920 Qaqortoq.

## § 8.

Inissiinissamat qinnuteqarnermi paasissutissat erseq-  
qissut kisermaamat ilaqtariinnulluunniit tunngasut  
angerlarsimaffiup pisortaanut nassiunneqassapput,  
qinnuteqarnermut tunngaviusoq erseqqissagaq ilanngul-  
lugu.

Imm. 2. Inissiinissamat qinnuteqaammi ilanngul-  
luguttaaq allassimassaaq pineqartup "Allu"-mit anger-  
lartinniarnissaata piareersarnissaanut siunnersuut.

## § 9.

Danmarkimi najugaqartunik inissiiniarneq Pooq-mit,  
KFUK-p isumaginninnikkut suleqatigiiffianit Namminer-  
sornerullutillu Oqartussat Danmarkimi allaffeqarfian-

ni siunnersiusoqarfimmit suleqatigiiffigineqarluni isumaqatigiissutigineqarsimassaaq. Qinnuteqaat Isumaginninnermi Pisortaqarfimmut nassiunneqassaaq, tasanilu Qitiusumik Attaveqarfittut Suleqatigiiffimmi suliaritinneqassalluni.

Imm. 2. Isumaginninnermi Pisortaqarfiup qinnuteqaat "Allu"-mut ingerlateqqissavaa paasissutissat oqaaseqaatillu pissarsiarineqarsimasut ilanngullugit, siunnersuuteqarlunilu pineqartup "Allu"-mit inuiaqatigiinnut kalaallinut uteqqinnissaa qanoq piareersarneqassanersoq. Tamatuma kingorna "Allu"-p pisortaata inissiinissaq § 6 najoqqutaralugu inaarutaasumik aalajangissavaa.

#### KOMMUNI NAJUGARIVITAQ.

##### § 10.

"Allu"-mi najugaqarnermi kommuni aggerfigisaaq najugarivatut kommunigitinneqassaaq. Taamaalilluni inissineqartut "Allu"-mi najugaqalernerminni Nanortallup kommunia najugavittut kommunerilersinnaangilaat.

##### § 11.

"Allu"-mi najugaqarnerup sivilsussusia killeqarpoq, nalinginnaasumik qaammatit pingasut sisamalluunniit, taamaattumillu inissiinnermi pilersaarusioneqareersimassaaq angerlartitsinissaq qaqugu piimaartoq, taamatullu aamma qularnaarneqarsimassalluni kommuni sorleq angerlarfigineqarumaarnersoq.

## ANINGAASAQARNIARNEQ.

## § 12.

Paaqqinniffiup ingerlanneqarneranut, aserfallatsaali-  
neqarneranut allisinneqarsinnaaneranullu aningaasar-  
tuutit siulersuisut isumagisassaraat. Siulersuisut  
akiliut ukiup affakkaartumik aalajangersartassavaat.

## § 13.

Najugaqartut nammineq illumi atukkaminnut aningaasar-  
tuutit akilertassavaat (tassunga ilanngullugit neri-  
sassat, gas eqqiaanermullu atortut) taamatullu aṭi-  
sassatik kaasarfimmussatillu nammineq isumagisassal-  
lugit. Illumut akiliutissamut il. il. aamma akileeq-  
quneqarsinnaapput.

## § 14.

Kommunip inissiisup isumaginninermi ataatsimittitaa  
pisortanit ikiorsiisarnermi malittarisassat malil-  
lugit angalanermi aningaasartuutinut akuersissuteqar-  
sinnaavoq, soorlu aamma angerlarsimmaffiup pisortaa-  
nik najugaqartumillu isumaqatigiissuteqarnikkut naj-  
ugaqartoq nammineq akiliisinnaangippat inuuniarner-  
mut aningaasartuutit matuneqarnissaat akuersissutigi-  
neqarsinnaalluni. Aningaasat tunniunneqarnissaat pil-  
lugu Nanortallip kommunia isumaqatigiissuteqarfigine-  
qarsinnaavoq.

## § 15.

Isumaginninnermi ataatsimiititamut malugeqqunearpoq pisariaqarsinnaasoq aningaasartuutit aalajangersimasut ikiorsiivigineqarnissaat akuersissuteqarfigissalugit, soorlu "Allu"-minnerup nalaani kommunimi najugarisami illup najukkap piginnarnissaanut akiliutit.

## § 16.

Inuit pinerluuteqarsimasunik isumaginnittunit nakorsa qarfiimmiilluunniit saaffiginninnikkut inissineqarsimasut pillugit isumaginninnermi ataatsimiititamit pisorta qarfiit taakku isumaqatigiissuteqarfigineqasapput aningaasartuutit avinneqassappata.

## ATORTUULERNERA.

## § 17.

Kaajallaasitaq manna atortuulerpoq 1.1.1990.

Matumunnga atatillugu Isumaginninnermi Pisorta qarfiup kaajallaasitaa nr. 156, eqqissisartarfiimmut "Allu"-mut inissiiniartarnissamat akiliuteqartitsisarnissamullu kaajallaasitaq, atorunnaarsinneqarpoq.

Isumaginninnermi Pisortaqarfik, ulloq 9/11 1989.



Moses Olsen



Martha Labansen

